



SLUŽBENE NOVINE

KANTONA SARAJEVO

Godina XXII – Broj 26

Četvrtak, 6. jula 2017. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu čl. 26. i 28. stav (1) Zakona o Vladi Kantona Sarajevo ("Službene novine Kantona Sarajevo", br. 36/14 - Novi prečišćeni tekst i 37/14 - Ispravka), Vlada Kantona Sarajevo je, na 87. sjednici održanoj 22.06.2017. godine, donijela

UREDBU

O IZMJENAMA I DOPUNI UREDBE O POSTUPKU I NAČINU PRIPREMANJA, IZRADE I DOSTAVLJANJA PROPISA

Član 1.

U Uredbi o postupku i načinu pripremanja, izrade i dostavljanja propisa ("Službene novine Kantona Sarajevo", broj 21/11 - Novi prečišćeni tekst, 30/11 - Ispravka i 23/15), u članu 3. stav 4. mijenja se i glasi:

"Nosilac izrade propisa obavezan je, u skladu sa Pravilnikom o proceduri za izradu izjave o fiskalnoj procjeni zakona i drugih propisa i akata planiranja na budžet ("Službene novine Federacije BiH", broj 34/16), Ministarstvu finansija dostaviti na mišljenje propis i obrazloženje propisa zajedno sa potpisanom i ovjerenom Izjavom o fiskalnoj procjeni propisa na budžet na propisanom obrascu IFP-DA ili obrascu IFP-NE, u papirnom obliku čime se jamči vjerodostojnost procjene."

Iza stava 4. dodaje se novi stav 5. koji glasi:

"Ukoliko se propisom regulišu imovinsko-pravna pitanja, nosilac izrade dužan je prethodno pribaviti mišljenje Pravobranilaštva Kantona, u skladu sa Zakonom o pravobranilaštvu."

Dosadašnji stav 5. postaje stav 6.

Član 2.

Član 4. mijenja se i glasi:

"Član 4.

Uz propis iz člana 3. ove Uredbe, nosilac izrade propisa dostavlja Vladi:

- mišljenje Ureda za zakonodavstvo Vlade Kantona Sarajevo (u daljnjem tekstu: Ured za zakonodavstvo) o usklađenosti propisa sa Ustavom i pravnim sistemom,
- mišljenje Ministarstva pravde i uprave o usklađenosti propisa sa Evropskom konvencijom o zaštiti ljudskih prava i osnovnih sloboda i drugim pravnim aktima kojima je utvrđena zaštita ljudskih prava i sloboda,

- mišljenje Ministarstva finansija o fiskalnoj procjeni propisa na budžet i potpisanu i ovjerenu Izjavu o fiskalnoj procjeni propisa na budžet, na obrascu IFP-DA ili obrascu IFP-NE, kao i
- izjašnjenje o datim mišljenjima, odnosno obrazloženje zbog čega se neki od stavova iz mišljenja ne prihvataju,
- izjašnjenje da li je propis pripremljen u skladu sa programima rada Skupštine i Vlade (u daljnjem tekstu: program rada), razlozima odstupanja od rokova utvrđenih programom rada, a ako se radi o propisu koji nije izvršen u program rada, razlozima za njegovo predlaganje.

Ured za zakonodavstvo, Ministarstvo pravde i uprave i Ministarstvo finansija dužni su, u roku od sedam dana od dana prijema propisa, dostaviti svoje mišljenje nosiocu izrade propisa.

Ukoliko Ured za zakonodavstvo, Ministarstvo pravde i uprave i Ministarstvo finansija daju primjedbe na propis, nosilac izrade propisa dužan je da, u roku od sedam dana od dana prijema mišljenja, dostavi pismeno izjašnjenje Uredu za zakonodavstvo, Ministarstvu pravde i uprave i Ministarstvu finansija o datim primjedbama, sa obrazloženjem stava o primjedbama koje ne prihvata.

Ured za zakonodavstvo, Ministarstvo pravde i uprave i Ministarstvo finansija, u roku od sedam dana od dana prijema stava nosioca izrade propisa, dostavlja konačno mišljenje nosiocu izrade propisa.

Propis koji se dostavlja na mišljenje mora biti ureden na način utvrđen u članu 3. ove uredbe."

Član 3.

Član 8. mijenja se i glasi:

"Član 8.

Na dnevni red sjednice Vlade ne može se uvrstiti propis, odnosno pravilnik, uz koji nisu priložena mišljenja Ureda za zakonodavstvo, Ministarstva pravde i uprave i Ministarstva finansija."

Član 4.

Član 9. mijenja se i glasi:

"Član 9.

Ukoliko Vlada prihvati mišljenja Ureda za zakonodavstvo, Ministarstva pravde i uprave i Ministarstva finansija i vrati propis, odnosno pravilnik, nosiocu izrade na dopunu ili doradu, nakon dopune i dorade postupa se ponovo na način utvrđen u čl. 4. i 7. ove Uredbe."

Član 5.

Ovlašćuje se Ured za zakonodavstvo Vlade Kantona Sarajevo da utvrdi drugi novi prečišćeni tekst Uredbe o postupku i načinu pripremanja, izrade i dostavljanja propisa.

Član 6.

Ova Uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-05-21791-12/17

22. juna 2017. godine

Sarajevo

Premijer

Elmedin Konaković, s. r.

Na osnovu čl. 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 30. stav (1) Zakona o upravljanju zajedničkim dijelovima zgrade ("Službene novine Kantona Sarajevo", broj 19/17), Vlada Kantona Sarajevo je, na 87. sjednici održanoj 22.06.2017. godine, donijela

ODLUKU

O MINIMALNOM IZNOSU MJESEČNE NAKNADE ZA UPRAVLJANJE I ODRŽAVANJE ZAJEDNIČKIH DIJELOVA ZGRADE

I

(Predmet odluke)

Ovom Odlukom utvrđuje se visina minimalne mjesečne naknade za upravljanje i održavanje zajedničkih dijelova zgrade po jednom m² korisne površine stana ili druge samostalne prostorije, kako bi se osiguralo nesmetano upravljanje i održavanje zajedničkih dijelova zgrade.

II

(Minimalna mjesečna naknada)

Minimalna mjesečna naknada za upravljanje i održavanje zajedničkih dijelova zgrade iznosi:

- za zgrade bez hidrofleksa i lifta u iznosu od 0,25 KM/m², korisne površine stana ili druge samostalne prostorije,
- za zgrade sa hidrofleksom ili liftom u iznosu od 0,38 KM/m², korisne površine stana ili druge samostalne prostorije.

III

(Ravnopravnost spolova)

Gramatička terminologija u ovoj Odluci podrazumijeva uključivanje oba spola.

IV

(Raniji propisi)

Danom stupanja na snagu ove odluke prestaje da važi Odluka o visini naknade za redovno održavanje i upravljanje zajedničkih dijelova i uređaja stambenih zgrada ("Službene novine Kantona Sarajevo", broj 6/02).

V

(Stupanje na snagu)

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-05-21791-38/17

22. juna 2017. godine

Sarajevo

Premijer

Elmedin Konaković, s. r.

Na osnovu člana 10. stav (3) Zakona o izvršavanju Budžeta Kantona Sarajevo za 2017. godinu ("Službene novine Kantona Sarajevo", broj 53/16), i tač. IV i V stav (2) Odluke o kriterijima za raspodjelu sredstava iz Tekuće rezerve Budžeta Kantona Sarajevo ("Službene novine Kantona Sarajevo", broj 18/09) i čl. 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo je, na 80. vanrednoj sjednici održanoj 27.06.2017. godine, donijela

ODLUKU

O ODOBRAVANJU IZDVAJANJA SREDSTAVA IZ TEKUĆE REZERVE BUDŽETA KANTONA SARAJEVO ZA 2017. GODINU

I

Iz Tekuće rezerve Budžeta Kantona Sarajevo za 2017. godinu ("Službene novine Kantona Sarajevo", broj 53/16), ekonomski kod 600000 odobrava se izdvajanje sredstava u iznosu 30.000 KM na razdjel 11 - Kabinet premijera, glava 01, potrošačka jedinica 0001, ekonomski kod 615100 - Kapitalni transferi drugim nivoima vlasti, radi sufinansiranja nabavke policijske opreme.

II

Za realizaciju ove odluke zadužuju se Ministarstvo finansija i Kabinet premijera.

III

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-22560-3/17

27. juna 2017. godine

Sarajevo

Premijer

Elmedin Konaković, s. r.

Na osnovu čl. 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 34. Zakona o ustanovama ("Službeni list RBiH", broj 6/92, 8/93 i 13/94), Vlada Kantona Sarajevo je, na 87. sjednici održanoj 22.06.2017. godine, donijela

RJEŠENJE

O IMENOVANJU ČLANA NADZORNOG ODBORA KANTONALNE JAVNE USTANOVE "GERONTOLOŠKI CENTAR"

I

Luca Zečirović, imenuje se za člana Nadzornog odbora Kantonalne javne ustanove "Gerontološki centar".

II

Mandat člana Nadzornog odbora traje 4 (četiri) godine.

III

Ovo Rješenje stupa na snagu danom donošenja i objavit će se u "Službenim novinama Kantona Sarajevo".

Broj 02-05-21791-26.13/17

22. juna 2017. godine

Sarajevo

Premijer

Elmedin Konaković, s. r.

Na osnovu čl. 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 34. Zakona o ustanovama ("Službeni list RBiH", broj 6/92, 8/93 i 13/94), Vlada Kantona Sarajevo je, na 87. sjednici održanoj 22.06.2017. godine, donijela sljedeće

RJEŠENJE

O RAZRJEŠENJU V.D. PREDSDJEDNIKA NADZORNOG ODBORA KANTONALNE JAVNE USTANOVE "DISCIPLINSKI CENTAR ZA MALOLJETNIKE"

I

Miralem Sarija razrješava se v.d. predsjednika Nadzornog odbora Kantonalne javne ustanove "Disciplinski centar za maloljetnike", zbog isteka perioda na koji je imenovan.